

मार्निंग डोगरी न्यूज़ बुलेटिन, समे. **09-20** Hrs

<><><><><><>

Headlines

- प्रधानमंत्री नरेन्द्र मोदी होर अज्ज उत्तराखंड दी देहरादून थाहर 38मीं राष्ट्रीय खेड्डें दा उद्घाटन करगन।
- उपराज्यपाल मनोज सिन्हा होरें आखेआ जे राष्ट्रीय कवि सम्मेलन साढ़ी समृद्ध ते बन सबन्नता, सांसकृतिक विरासत गी दर्शाने दा इक मौका उपलब्ध करोआंदा ऐ जेहड़ी सदिएं परानी ऐ।
- मुख्यमंत्री उमर अब्दुल्ला होरें जल शक्ति मैहकमे दी स्कीमें दी अमलावरी दा जायजा लैता।
- मुख्यमंत्री उमर अब्दुल्ला होरें 5मीं खेलो इंडिया विंटर गेम्स दी तैआरिएं दा जायजा लैता। उनें इनें खेड्डें दे मैसकॉट गी जारी कीता।
- भारत ते इंगलैंड बश्कार होआ'रदी अंतर्राष्ट्रीय क्रिकेट श्रृंखला तैहत अज्ज गुजरात दे राजकोट च त्रीया टी-20 मैच खेड्डेआ जाग।

<><><><><><>

PM-National Games

प्रधानमंत्री नरेन्द्र मोदी होर अज्ज उत्तराखंड दे देहरादून दे महाराणा प्रताप स्टेडियम च 38मीं राष्ट्रीय खेड्डें दा उद्घाटन करगन। उद्घाटन समारोह च केन्द्रीय मंत्री, भारतीय ओलंपिक संघ ते राष्ट्रीय खडारिएं सनें बक्ख-बक्ख होर परौहने बी शामिल होंगन। भारतीय ओलंपिक संघ दी अध्यक्षता पी.टी.ऊषा बी कल देहरादून पुज्जियां। साढ़े संवाददाता हुंदी रिपोर्ट मूजब राष्ट्रीय खेड्ड अगले म्हीने दी 14 तरीक तगर उत्तराखंड दे 8एं जिले दे 11 शैहरे च आयोजित कीते जा'रदे न। इस दरान 35 खेड्डें दे कुल 47 खेड्डें दे औपचारिक तौर पर उद्घाटन थमां पैहले इक उधमसिंह नगर दे गोलापुर च इक ट्रायथलॉन प्रतियोगिता 26 जनवरी थमां गै शुरू कीती दी ही, तेहदे च मणिपुर ते महाराष्ट्र नै पैहले तगमें हासल कीते।

<><><><><><>

LG-Kavi Sammelan

उपराज्यपाल मनोज सिन्हा होरें कल अभिनव थैटर च राष्ट्रीय कवि सम्मेलन दा उद्घाटन कीता। हिंदी, डोगरी ते उर्दू भाषा दे कविएं हिस्सा लैता। त्रऊं दिनें दा एह साहित्यिक आयोजन जम्मू कश्मीर दी कला संस्कृति ते भाषाएं सरबंधी अकादमी आस्सेआ 76में गणतंत्र दिवस समारोह दे हिस्से दे तौर पर कीता जा'रदा ऐ। उपराज्यपाल होरें कविता आले सत्रें च हिस्सा लैने आले जम्मू कश्मीर ते देसे दे होरने हिस्से थमां मन्ने परमन्ने दे युवा कविएं गी ममारकबाद दित्ती ऐ। उनें आखेआ जे राष्ट्रीय कवि सम्मेलन साढ़ी साहित्यिक विरासत दी समृद्धि ते बन्न सबन्नता गी दश्रंदा ऐ ते इनें सत्रें च असेंगी अपनी सभ्यता दे ज्ञान ते परंपरा दा इक भंडार दिखने दा मौका थहोंदा ऐ। जेहड़ी सदिएं परानी ऐ। इस मौके पर उपराज्यपाल होरें डोगरी, हिंदी ते उर्दू भाषाएं दे महान साहित्यकारें गी नमन कीता ते समाज च कविण ते साहित्यकारें दी अहम भूमिका पर लोह बी पाई।

<><><><><><>

LG/CM/Others-Shah

उपराज्यपाल मनोज सिन्हा ते मुख्यमंत्री उमर अब्दुल्ला होरें शव—ए—मिराज दे पवित्र मौके लोकें गी शुभकामनां दित्तियां न। अपने सनेह च उपराज्यपाल होरें सब्बने गी शुभकामनां दित्तियां। उनें मेद जाहर कीती जे इस पवित्र रात पर ईश्वर साढ़े सारे दिएं दुआएं गी कबूल करोग ते असे सब्बनें गी प्यार, आपसी भाई चारे दी बत्ता पर टुरने लेई प्रेरित करोग। उनें सब्बने दी नरोई सेहत, खुशी ते खुशहाली दी कामना कीती। अपने सनेह च मुख्यमंत्री होरें इस पवि? मौके दी महत्ता गी उजागर कीता जेहड़ा उस परमपिता परमेश्वर हुंदे लेई प्रौफेट मोहम्मद हुंदे समर्पण भाव ते सच्चे धइयै गी पक्का करदा ऐ। उपमुख्यमंत्री सुरिन्द्र चौधरी ते सेहत ते मैडिकल शिक्षा मंत्री सकीना इत्तू होरें बी जम्मू कश्मीर दे लोकें गी शव—ए—मिराज दे पवित्र मौके पर शुभकामनां दित्तियां न।

<><><><><><>

LG-PHDCCI

पीएचडी चैंबर ऑफ कामर्स इंडस्ट्री जम्मू रीजन चैप्टर दे नुमायंदे उपराज्यपाल मनोज सिन्हा हुंदे कन्नै मलाटी कीती। एहदे च पीएचडीसीसीआई जम्मू अध्यक्ष राकेश वजीर, सह—अध्यक्ष संजय गुप्ता, मिंबर श्याम लाल केसर, विनाद सचदेवा, विरेन्द्र केसर, कटरा दे कनवीनर ते होर दुए लोक शामिल हे। इनें सब्बने उपराज्यपाल हुंदे कन्नै मलाटी करियै आर्थिक, उद्यौगिक ते सैलसफा दे विकास पर केन्द्रित सुझाएं दा इक ज्ञापन सौंपेआ।

उनें नमीं केन्द्री सेक्टर स्कीम कन्नै जुड़े दे महत्वपूर्ण मामले, होटल सरबन्धी जतन मजूदा उद्योगी इकाइएं दा दर्जा बधाने च आध्यात्मिक, सेहत, शिक्षा ते साहसिक सैलसफा सरबन्धी मामले पर बी चर्चा कीती।

<><><><><><>

HUDD-Swachhantra

जम्मू कश्मीर च आवास ते शैहरी विकास विभाग नै स्वच्छता अभियान जेहड़ा केन्द्र शासत प्रदेश दे 80 शैहरी स्थानीय निकाएं च 76में गणतंत्र दिवस पर लांच कीता गेआ ऐ, ओहदे हेठ बक्ख-बक्ख कार्यक्रमें दा आयोजन कीता। आकाशवाणी जम्मू दे संवाददाता हुंदी रिपोर्ट मूजब स्वच्छतंतरा सफाई आस्तै शुरू कीता गेआ इक ऐसा जन आंदोलन ऐ, जेहदे च 2 लक्ख थमां ब ीमते लोकें साफ ते हरे-भरे वातावरण लेई प्रणर लैता। एह अभियान 76में गणतंत्र दिवस गी ध्यानै च रखदे होई 21 मिां लेइयै 26 जनवरी 2025 तोड़ी चलाया गेआ। एहदे च 950 बक्ख-बक्ख सफाई सरबन्धी गतिविधियां करोआई गेइयां, जिंदे च शैहरी इलाके दे 3.5 लक्ख कोला बी मते लोकें बधी चढ़ियै हिस्सा लैता।

<><><><><><>

CM-Jal Shakti

मुख्यमंत्री उमर अब्दुल्ला होरें सिविल सचिवालय च जल शक्ति मैहकमे दी इक जायजा बैठक लाई। इस बैठक च जल जीवन मिशन दी प्रगति दा जायजा लैता गेआ। इस दरान एसीएस जल शक्ति होर मिशन दी प्रगति, लक्ष्य ते चुनौतिएं बारे व्यापक ब्यौरा उपलब्ध करोआया। इस दरान जानकारी दित्ती गई जे जम्मू कश्मीर च जल जीवन मिशन तैहत 81 फीसद घरै तगर नलके राएं पीले आला पानी उपलब्ध करोआया गेआ ऐ ते बाकी रौहदे लक्ष्य गी पूरा करने लेई जतन कीते जा'रदे न।

<><><><><><>

CM-Khelo India

मुख्यमंत्री उमर अब्दुल्ला होरें कल इक उच्ची सतह दी बैठक दी अध्यक्षता कीती जेहदे च 22 फरवरी थमां लेइयै 25 फरवरी तगर गुलमर्ग दे मशहूर स्की रिसार्ट च होने आली खेलो इंडिया विंटर गेम्स दे 5में संस्करण दी तैआरिएं दी समीक्षा कीती गई। इस बैठक च इस आयोजन गी सफल बनाने ते स्यालु आली खेड्डें लेई जम्मू कश्मीर दा इक प्रमुख थाहर दे तौर पर उभरना जकीनी बनाने लेई जोर दित्ता गेआ। उनें दस्सेआ जे इनें खेड्डें दे चौथे संस्करण दी सफल मेजबानी परैत इक बारी फही जम्मू कश्मीर ते लद्दाख गी एहदी मेजबानी लेइ चुनेआ गेआ हा। 35 बक्ख-बक्ख राज्यें ते केन्द्र शासत प्रदेशें थमां 1 जहार शा मते खडारिएं दे हिस्सा लैने दी मेद ऐ।

बैठक दरान मुख्मन्त्री होरें खेलो इंडिया विंटर गेम्स दे मासकॉट स्नो लैफ़ड़ यानि बर्फीले इलाके च पाए जाने आला हिम तेंदुआ जेहड़ा इस खित्ते दी समृद्ध जैविक बन्न सबन्नता ते संरक्षण लेई प्रतिबद्ध दा प्रतीक ऐ जारी कीता।

<><><><><><>

Agri Depoyy

रामबन जिले दे मते सारे हिस्से च राई—बाई दे पूरे पराते विकास सरबन्धी कार्यक्रम तैहत्त रामबन दे राई—बाई मैह्कमे आस्सेआ भौर पालन गी सफलतापूर्वक बढ़ावा दित्ता जा'रदा ऐ। एह्दे राएं ओजीविका उे साधन दित्ते जा'रदे न ते रोजगार पैदा कीता जा'रदा ऐ। इस स्कीम तैहत्त रामबन च कुल 106 भौर पालन सरबन्धी इकाइयां न ते करसानें गी 80 फीसद सब्सिडी दित्ती जा'रदी ऐ। एह्दे अलावा उत्थें भलेआ अज्जै कल्लै दी सहूलत आले 3 पॉली हाउस च एह्दे तैहत्त करसानें गी 95 फीसदी सब्सिडी दित्ती जा'रदी ऐ। इस बारे होर जानकारी दिंदे होई रामबन दे मुख्म राई—बाई अधिकारी राम गोपाल शर्मा होरें आखेआ.....

<><><><><><>

DC Reasi

रियासी दियां डिप्टी कमीशनर निधि मलिक होरें जिले च शैक्षणिक योजनाएं ते पैह्लकदमिएं दी असरदार अमलावरी गी जकीनी बनाने लेई स्कूली शिक्षा मैह्कमे दा व्यापक जायजा लैता। बैठक च स्कूली अमला, जिला कैपेक्स तैहत्त कम्में कारवाइएं भिड—डे—मील प्रोग्राम, वजीफे आली योजनाएं ते समग्र शिखा अभियान गी लागू करने बारे समम्खा कीती गई।

<><><><><><>

Cricket

मर्दे दे टी—20 अंतर्राष्ट्रीय क्रिकेट मैच च अज्ज भारत दा मकाबला इंग्लैंड कन्नै होग। एह् मैच अज्ज गुजरात दे राजकोट च निरंजन शाह स्टेडियम च संजा 7 बजे होग। सूर्य कुमार यादव दे नेतृत्व च भारतीय टीम 5एं मैचें दी श्रृंखला च 2—0 कन्नै अग्गे ऐ। कोलकाता च खेड्डे गेदे शुरूआती मैच च भारत नै इंग्लैंड गी 7एं विकटें कन्नै हराया। पैह्ले बल्लेबाजी करने आली उत्तरी इंग्लैंड दी टीम नै छडे 132 रंज बनाए जेह्दे परते च भारत नै 133 रंज बनाइयै 12 ओवरें ते 5 गेंदें च जित्त हासल कीती। दुए टी—20 मैच च भारत नै 166 रंज दे लक्ष्य गी 8 विकटां मुहाइयै 19 ओवर ते 2 गेदें च गै हासल करी लैता।

<><><><><><>